

აქ. ყივანიძე

ბატონ-ყმონის კუთვარის საქართველოთში

39036



1848
მთავარი
ქუ



გაბრიელი
27.50

მ-48
ე-4-ბ

ბატონ-ყმობის გადავარდნა საქართველოში*)

(საისტორიო ცნობა)

„გადაიწერე პირ-ჯვარი, მართლ-მადიდებელი გლეხ-კაცობავ, და ჩვენთან ერთად შესთხოვე ღმერთს, რათა მან აკურთხოს შენი თავისუფალი შრომა,—ეგ წინდი შენის კეთილ-დღეობისა და ქვეყნის წარმატებისა“.

მანიფესტი 19 თებერვლისა 1864 წ.

ამ წლის 8 ნოემბერს შესრულდა სწორედ 34 წელიწადი ბატონ-ყმობის გადავარდნისა და გლეხთა განთავისუფლებისა ტფილისის გუბერნიაში. ერთის წლის უკან ბატონ-ყმობა გადავარდა ქუთაისის გუბერნიაშიც, ხალხი გავიდა მას უკან ხუთი წელიწადიცა და შემოდებულ იქმნა ესრედ-წოდებულ სსკლეხთა დებულება 1870 წლის 14 მაისისა ამიერ-კავკასიის სსხვ გუბერნიებისათვისაც. ამ სახით, ერთის წლის განმავლობაში დამთავრდა ყოფილად მშვიდობიანად ბატონ-ყმობის გადავარდნის საქმე საქართველოში, ხალხი შემდეგს ხუთს წელიწადს მოეწეა მთელ ამიერ-კავკასიის გლეხთა სასადგილმამულთა საქმეცა.

შემოდგომის დამდეგს მობრძანდა ჩვენში და საქართველოს სამეფო-ფო ქადაქმანც დიდის სიხარულით მიიღო ის, ვის დროსაც იქმნა შემოდებულ იქმნა ჩვენში შესანიშნავი ცვლილებანი—მისი იმპერატორებითი უმადლესობა, დიდი მთავარი მიხეილ ნიკოლოზის ძე. განარებულნი სსხე ტფილისის მკვიდრთა, რომელნიც მრავლად შეკრებილიყვნენ მთავარ-მართებლის სასახლის წინა და ახალ სამხედრო ტაძრის ახლო-მასლო, ნამესტნიკად ნამყოფის მოლოდინში, უნებურად აცო-ნებდა მხილველს იმ დიდის ხნის ამბავს, იმ სადღესასწაულთა გარე-

*) ეს წერილი ნოემბრის ნომრისათვის იყო დამზადებული, მაგრამ სხვა-და-სხვა მიზეზების გამო მხოლოდ ამ ნომერში იბეჭდება.

მოკბას, როცა იმავე სასახლის მახლობლად და გუნიბის მოედანზე, საცა ეხლა სამხედრო ტაძრის აშენებული, 34 წლის წინად, ბატონ-უმობის გადავარდნა მეფე-განმანთავისუფლებელის ნებითა საქვეყნოდ იქმნა გამოცხადებული. უნდა ვიფიქროთ, რომ ტფილისი ხშირად არ შესწრებათ თავის ხანგრძლივს ცხოვრებაში იმისთანა შესანიშნავს და უფლად სასიხარულო დღეებს. დიდის ამბითა და ცერემონიით იყო მასინ გამოცხადებული უმაღლესი ბრძანება 1864 წლის 13 ოქტომბრისა გლეხთა განთავისუფლებისა და სხვა საგლეხო კანონ-დებულებათა შემოღების შესახებ. დიდებული წუთი იყო სწორედ! მთლად ტფილისის ბრწეინვალე მხელებობა და უფლება-მოსილნი წარმომადგენელნი მთავრობისა, სამხედრო და საერო უწყებებისანი, მონაწილენი იყვნენ ამ დღესასწაულისა. რა თქმა უნდა, რომ ამ ამბის დროს, უმთავრესი ადგილი ეჭირა ერთს, რომელსაც მისჩერებოდნენ თვალნი უფველთანი და ეკ ერთი იყო მისი უმაღლესობა, დიდი მთავარი, ნამესტნიკი კავკასიისა.

მისის უმაღლესობის მობრძანებამ ტფილისის გვაფიქრებინა მოუთხრათ მკითხველთ მოკლედ ამბავი გლეხთა განთავისუფლების ჩვენში და საგლეხო კანონ-დებულებათა გამოცხადებისა, როგორც თვით ტფილისში, ისე გორსა, თელავსა და სიღნაღში, და აგრეთვე სოფლებშიაც. ხოლო უფველივე ეს ამბავი, ხელმწიფე იმპერატორის ნებით, მოჰხდა 8 ნოემბერს, მიხეილ მთავარ-ანგელოზობის დღეს, ესე იგი სწორედ ნამესტნიკის სახელ-წოდების დღეს.

5 ნოემბერს 1864 წელს ხელმწიფე იმპერატორის უმაღლესის ბრძანებით მის უდიდებულესობის ფლიკელ-ადიუტანტმა, გვარდიის ზოლოფინიკმა ბარონ კარფმა მიაჩთვა ნამესტნიკს სახელ-დებული უმაღლესი ბრძანება, მიწერილი უუმართლებელის სენატის მიმართ 13 ოქტომბერს 1864 წელს შესახებ ტფილისის გუბერნიის საბატონო გლეხთა განთავისუფლებისა, მათის უფავ-ცხოვრების მოწყობისა და მათის ურთიერთობისა მებატონეთა თანა; მიაჩთვა აგრეთვე იმ ბრძანებასთან ერთად დამტკიცებული 13 ოქტომბერსვე საგლეხო კანონ-დებულებანი.

იმ ცერემონიალის ძალით, რომელიც შედგენილ იქმნა ნამესტნიკის მთავარ-სამმართველს საბჭოს მიერ, გამოცხადება ზემო-

ხსენებულის ბრძანებისა ერთსა და იმავე დღეს ტფილისშიაცა და სამაზრო ქალაქებშიაც ასე მოჰხდა: ჯერ გარდახდილ იქმნა სიონში სამადლობელი ზარაკლისი ნამესტნიკის სახელ-წოდების მიზეზით, შემდეგ უმფროსი მთავარ-სამმართველოსი, სენატორი და სტატუს-სეკრეტარი ბარონი ა. პ. ნიკოლაი, წევრნი ამიერ-კავკასიის ცენტრალ-ლის კომიტეტისა და, სამოქალაქო გუბერნატორის კ. ი. ორ-ლოვსკის მაგიერ, რომელიც გარში იქმნა გაგზავნილი, ტფილისის ვიცე-გუბერნატორი ვლასტოვი, გაემართნენ გუნიბის მოედნისკენ და დაიჭირეს ადგილი იმ კიბის ზემო საფეხურზე, რომელთაც არსენალში ავიდოდა კაცი. არსენალის წინ, ბაქანზე, დადგნენ ტფი-ლისს მყოფნი თავადაზნაურნი; თვით მოედანზე დაცემული იყო კარავი, საცა უნდა შესრულებულიყო მღვთის-მისახურება, ხოლო მის აქეთ-იქით დაეჭირათ ადგილი ამ დღისთვის მოწყველ მამასახლი-სებსა და ტფილისის მაზრის საბატონო სოფლებიდან მოსულ ორ-ორ დეპუტატს. როცა ვეკლა ზემოხსენებულნი შეიკრიბნენ და სამღვდე-ლოებამაც თავი მოიყარა, მთავარ-სამმართველს უფროსმა ბარონმა ნიკოლაიმ ხმა-მადლა წაკითხა უმაღლესი ბრძანება გლეხთა-განთავი-სუფლებისა და ბატონ-უმობის გადაგარდნისა. ბრძანება ქართულადაც იყო გადათარგმნილი და რუსულთა ერთად წაკითხულ იქმნა მამინვე ქართულადაც. შემდეგ სამღვდელოებამ გარდაინადა ზარაკლისი მრავალ-ჯამიერის წარმოქმით ხელმწიფე იმპერატორისა და უაგუსტოესის სახელეულობისათვის. გათვდა ზარაკლისი და მამასახლისებს დაუ-რიკლათ თითო ეკვემზღიარი უმაღლესად დამტკიცებულ ღებულებათა. მას უკან მამასახლისნი და დეპუტატები გაემართნენ დიდის მთავრის სასახლისაკენ და იქ დამწკრივდნენ ორ-ორნი მაზრის უფროსის თავადის ბებუთაშვილის ხელ-მძღვანელობით; დამწკრივდნენ ისე, რომ ზირი სასახლისკენა ჰქონდათ შექცეული.

მთავარ-სამმართველს უფროსმა ცენტრალის კომიტეტის წევრებითურთ დაიჭირა ადგილი საგანგებოდ გამართულს მადლობზე; ეს მადლობი გამართული იყო ტროტუარზე სასახლის შუა-გულ აივნის ზირდაზირ. მადლობის აქეთ-იქით ადგილი ეჭირათ თავადა-ზნაურობის წარმომადგენელთ.

როცა მისი იმპერატორებითი უმადლესობა გამოვიდა აივანზე, მთავარ-სამმართველს უფროსმა წაიკითხა ვუელსთვის გასაცხინის ხმით სიტყვა ნამესტნიკისა, მიმართული ტოფილისის გუბერნიის იმ გლეხ-კაცებისადმი, რომელნიც განთავისუფლებულ იქმნენ ბატონთა დამოკიდებულებისაგან; ეს სიტყვა კითხვის დროსვე ითარგმნებოდა ქართულად. შემდეგ წაიკითხულ იქმნა სია იმათი, რომელნიც ნამესტნიკს დაენიშნა მომრიგებელ შუა-კაცებად და მათ კანდიდატებად ტოფილისის მაზრისათვის. სიაში მოხსენებულნი იყვნენ: ზირველ განუოფილებისათვის თ. ილია ჭავჭავაძე, მეორესათვის—თ. ივანე სუმბათაშვილი და მისი კანდიდატი ივ. გაბაშვილი და მესამესათვის—ზოლკოვნიკი ისრაფილ იედიკარავი და მისი კანდიდატი ლუარსაბ მედიქტეგლარავი.

მთავარ-სამმართველს უფროსის განკარგულებით დამსწრე ხალხს დაურიგდა იათო ეგზემპლარი ნამესტნიკის სიტყვისა ქართულის თარგმანითურთ, იმ გლეხთა შესახებნი წესნი, რომელნიც მსახურებად ჭეჟანდათ მებატონეებს (ДВОРОВЫЕ ЛЮДИ) და წესი იმისი, თუ რა რიგად უნდა ეხადნათ ფოფელ-გვარი ხარჯი გლეხებს ორის წლის განმავლობაში, ვიდრე შესდგებოდა ესრედ-წოდებულნი მთავარ-სიგელნი (УСТАВНЫЕ ГРАМОТЫ).

შემდეგ მამასახლისნი და დეპუტატები გაემართნენ ნიკოლოზის მკედანზე, საცა მის უმადლესობას დაემზადებინებინა მათთვის სადილი.

მაშინ გუბერნიის თავდა-ზნაურობის წინამძღვლად იყო დიმიტრი ივანეს ძე უიფიანი, რომელიც იქ მყოფ თავდა-ზნაურებთან ერთად გაემართა სასახლეში. თავდა-ზნაურობამ სასახლის დიდს დარბაზში მოიყარა თავი. მისი უმადლესობა დიდი მთავარი მიხეილ ნიკოლოზის ძე გამობრძანდა დარბაზში თავდა-ზნაურობასთან თვისის ამალითა, მთავარ-სამმართველს უფროსითა, ცენტრალ კომიტეტის წევრებითურთ. მისის ბრძანებით ბარონ ნიკოლაიმ წაიკითხა უმადლესი რესკრიპტი, მის სახელობაზე დაწერილი, იმის შესახებ, რომ ხელმწიფე იმპერატორმა ფული უბოძა თავდა-ზნაურობას იმ ზირადის სამსახურის მაგიერ, რომელსაც უწევდნენ აწ უკვე განთავისუფლებულნი გლეხნი. ამის შესახებ გუბერნიისა და მაზრის

თავდაზნაურთა წინამძღოლნი მთლად იქ შეიჭრნენ თავდაზნაურებით სადილად მიიწვიან დაღმის მთავარმა.

ამით გათავდა 8 ნოემბრის ამბები ტფილისში.

სამაზრო ქალაქებში უმაღლესის ბრძანების გამოსცხადებულად გლეხთა განთავისუფლებისა და სავაჭრო კანონ-დებულებათა შესახებ მის უმაღლესობის განკარგულებით გაგზავნილ იქმნენ განსაკუთრებული სანდო კაცნი, გოჩს—ტფილისის გუბერნატორი კ. ი. ბრეგვანი, თელავს—ი. ვიტტე*), ხოლო სიღნაღს—ნ. ბარანოვი. ამ ქალაქებშიაც უოველივე საქმის შესახები ქალაქები წავითხუდ იქმნა განკუთრებული კაცების მიერ მოედანზე თანადსწრებით, როგორც საერო, ისე სამხედრო-სამაზრო მთავრობის და ხალხის წარმომადგენლებისა.

დღეს, 34 წლის შემდეგ, როცა ამოდენი ხანი გავიდა მას უკან, რაც ეს შესანიშნავი ამბები მოხდა, როცა ძველს თაობას, ბატონ-უმობის ჭკერში აღზრდილს, მოჭკვავს ახალი თაობა, ემაწვილბობიდანვე შეჩვეული ახალ წეს-წყობილებას; დღეს, როცა უოველივე დადუღდა, დაუმინდა და დაწესარდა, ძხელია მიჭხვდეს აღმინი, რა მდებარებით და გულის ჩქროლვით ელოდნენ ტფილისში ამბავს იმთვან, ვინც მაზრებში იუვნენ გაგზავნილი ბატონ-უმობის გადავარდნის გამოსცხადებულად; მდებარებით ელოდნენ, რა ამბავი მოვიდოდა იქიდან, ამიტომ რომ არ იცოდნენ, მშვიდობით ჩაივლიდა თუ არა ამისთანა დიდისა და ცხოვრების ძირეულად შემცვლელის განხის გამოსცხადება. რა სისწრაფითა და მოუთმენლობითა ჭგზავნიდნენ მაზრებიდან ტფილისში იქ გაგზავნილი კაცები შიკრიკებსა, ამას ცხადად დაგვანახებებს ერთი ამბავი: თელავიდან გამოგზავნილი შიკრიკი დავით ანდრეიკაშვილი ისეთის სისწრაფით თურმე წამოვიდა ტფილისს, ეგებ მალე ვახარო ამბავი, მშვიდობიანად ჩაიარა ბატონ-უმობის გადავარდნის გამოსცხადებამა, რომ ცხენმა ვერ შეუძლო და გზაში მოკვდა. არ ვიცით, როგორ ჩამოახწია ამ იფრინდამ ტფილისს იმ დღესვე, ხოლო ეს კი ცნობილია, რომ, რაკი საკუთარი ცხენი გზაში მოკვდა დადლილობით, ტფილისის გუ-

*) ეხლანდელ ფინანსთა მინისტრის მამა.

ბენჯატონის განსაკუთრებული შუამდგომლობით, ანდრეასკაშვილს მისმა უმაღლესობამ იუული უბოძა სსჩუქრად.

ზირველი დღე—8 ნოემბერი, ყველგან მშვიდობიანად დადამდა. თავად-ახნაურობამ ჭკრფანის დარბაზისაგან, ამ ისტორიული წუთის უოჯადის შეგნებით და ფრადის მრწინებით მოსმინა ბრძანება გლეხთა განთავისუფლებისა, ხოლო თავით გლეხნი ცდითაც არსდა სტდილან კეთილ-გონიერების სამზღვარს გადსტდილებოდნენ. ერთის სიტყვით, დიდებული დღე დადამდა მშვიდობით, წესისა და მუდრეების დაურღვევლად, სსსინარულად მეუე-განმთავისუფლებელის საკანთ-მოუარეო რეფორმების უოჯელ ტეშმარტის მომხრესი.

უმაღლესის ბრძანების გამოცხადება სსმსავე ზემოხსენებულ სამაზრო ქალაქში ისეთისავე დღესსწაულებრივის გამომხინებთა და დიდებულით მოჰხდა, როგორც ტფილისში. რადგანც ტერემონალი ბატონ-უმობის გადავარდნის გამოცხადების ყველგან ერთნაირი იყო, ამიტომ ვიკმაროთ აღწერა იმ გარემობათა, რომელიც შუედგა უმაღლესის ბრძანების წაკითხვას გორში 8 ნოემბერს 1864 წლისს. გორის მაზრა თვისის მიწა-წყლის სიდიდით და თავად-ახნაურობის რიცხვ-მრავლობით უფრო სსშიში უნდა ყოფილიყო იმ მხრავ, თუ რამდენად კეთილად ჩაივლიდა იქ ეს ამბავი და ამიტომაც იქნა გაგზავნილი ამ მაზრაში ისეთი გამომცდილი და ტეკვიანი აღმინისტრატორი, როგორც იყო მაშინდელი ტფილისის გუბერნატორი კ. ი. მრლოვსკი. კონსტანტინე ივანეს ძემ იმავე 8 ნოემბერს აუწვა მთავარ-სამმართველს უფროსს, მისის უმაღლესობის კავკასიის ნამესტნიკის საცნობელად, რომ «თუმცა დიდ-ძალმა ხალხმა მოიყარა თავი, თუმცა დიდად სხვა-და-სხვაობდა გრძნობანი, რომელიც აღეკვებდა ამ ხალხს, რადგან სხვა-და-სხვაობდნენ დამსწრე წოდებანი, მანც საცნარი წესიერება იყო დაცული; ის მუდრეება, მშვიდობიანობა და მოწინება დიდად სსურადღებო ამბისადმი, რომელიც აქ იხილვებოდა, სწორედ უოჯად სსსხელო საქმედ უნდა ჩათვალდეს მთლად ამ მხრის მკვიდრთათვის».

ბრძანება ხელმწიფე იმპერატორისა გლეხთა განთავისუფლების შესახებ შემდეგის წესითა და რიგით იქნა გამოცხადებული გორში:

1. კარდახდილ იქმნა საკრებულთ ტაძარში სამადლოელი ჰარაკლისი, რადგან მისის იმპერატორებითის უმაღლესობის, კავკასიის ნამესტნიკის სახელწოდების დღე იყო. საჩენ ადგილს იდგენენ: ორლოვსკი, მაზრის თავადაზნაურთა წინამძღოლი თავ. ერისთავი და საერო და სამხედრო მთავრობის წარმომადგენლები. შემოსილი სამღვდელთა ღიბანიით გაემართა მოედანზე და დასდგა იქ, საცა წინადვე ნახევრები ჰქონდა ადგილი.

2. ორლოვსკი ავიდა განკუთვნილ ბაქანზე იმათთან ერთად, ვინც ცერემონიალით იყო დანიშნული. ავიდნენ ისინიცა, ვინც ტფილისიდანვე მოჰქუევენ ორლოვსკის, სოვეტნიკი საგუბერნიო მმართველობისა აქიმოვი*), განსაკუთრებულ მინდობილობათა მოხელენი: მელიქ-ბეგლიაროვი და იაგნიცკი. ორლოვსკიმ გამოუცხადა თავადაზნაურობას, გლეხ-კაცობას და მთელს ერს ბრძანება ხელმწიფე იმპერატორისა, რომელიც მაშინვე ქართულადც იქმნა წაკითხული ბლადიჩინის სოლომონ სახანაშვილის მიერ. გუბერნატორმა მიულოცა ხალხს ეს ამბავი და ხალხმაც იგრიადა და სიხარულით იძახდა «ურასა».

3. შემდეგ კარდახდილ იქმნა ჰარაკლისი მუხლ-მოდრეკით ხელმწიფე იმპერატორის სიმრთელითა და დღეგრძელობით ცხოვრებისათვის. ჰარაკლისს დაესწრო სხვათა სამღვდელთაც, სახელდობრ სამღვდელთა სომეხთა და კათოლიკეთა.

4. ორლოვსკი კვლავ ავიდა ბაქანზე ზემონსებულ მოხელეებითურთ და წაკითხა მიმართვა მისის იმპერატორებითის უმაღლესობისა, კავკასიის ნამესტნიკისა. ეს მიმართვაც დამსწრეთ დიდის სიხარულით მიიღეს და ერთხმად დასძახეს «ურა». ბლადიჩინმა სახანაშვილმა მიმართვაც მაშინვე წაუკითხა ხალხს ქართულად. ამ დროსვე იქმნა წაკითხული სახელი და გვარი მომრიგებულ შუაკაცთა და მათის კანდიდატებისა. მომრიგებულნი შუაკაცნი, ორლოვსკის თხოვნით, ავიდნენ მადლა ბაქანზე და დაენახნენ ხალხს*).

*) ეხლანდელი წვერი—საქმეთ-მწარმოებელი ტფილისის საგუბერნიო საგლეხო საქმეთა საქრებულოსი.

*) გორის მაზრის მომრიგებულ შუა-კაცობად იქმნენ დანიშნულნი: 1 განყოფილებისათვის—კორნეტი თ. რევაზ შალვას ძე ერისთავი, მის კანდიდატად—თ. სოლომონ ზურაბის ძე ერისთავი; 2 განყოფილებისათვის—შტაბს-კაპიტანი

5. როცა სამღვდელთა დაბრუნდა უკან საკრებულო ტაძარში, გლეხ-კაცობას დაურიგეს თითო ცალი საგლეხო კანონდებულებისა. არ დაურიგეს მხოლოდ დებულება მომრიგებელ შუა-კაცთა დაწესებულებისა, მისხურთა და ხიზანთა შესახები, რადგან ეს დებულება არ იყო ქართულად თარგმნილი და შიშობდნენ, ვაი თუ სხვაფრივ კაიგონ რუსულად დაბეჭდილი დებულებანი და ბოროტ-განმზრახველობით სხვაფრივ ახსნას ვინმე ზოგიერთი მისი მუხლით. თავადაზნაურთ კი წინამძღვრს დაურიგა რუსული დებულებანი.

6. თავადაზნაურობამ თავი მოიყარა მაზრის უფროსის თავ. ერისთავის სახლში და იქ გამოეცხადათ უმადლესი რესკრიპტი, რომ თქვენ გეზობათ ამდენი და ამდენი ფული უმათა ჩამორთმევეის მაგიერ და იმ ზირადის სამსახურის ნაცვლად, რომელსაც გიწვევდათ გლეხ-კაცობა. ეს რესკრიპტი აღტაცებით მისიმიან თავადაზნაურობამ და ერთგულის ქვეშევრდომობის გრძნობანიც გამოსთქვა ხელმწიფე იმპერატორის მიმართ.

7. შემდეგ, კ. ი. ორდოვსკიმ მისის უმადლესობის, კავკასიის ნამესტნიკის სახელით, მიიწვია სალხი სადილად. სადილი მომზადებული იყო ზემოსხენებულს მოედანზე, საცა ერთს მხარეს თავადაზნაურობისათვის იყო გაშლილი სუფრა, ხოლო მეორეს— გლეხ-კაცობისათვის.

სადილად იყვნენ მოწვეულნი თავადაზნაურთა (300 კაცი), მართლ-მადიდებელ, სომეხთა და კათოლიკეთა სამღვდელთების გარდა, სამხედრო-საერო მთავრობის წარმომადგენელნიც, გარის ქალაქის დებუტატები და საზატიო მოქალაქენი. გლეხებთან ერთად გაუმასპინძლდნენ დიდის მთავრის სახელით ჯარის-კაცებსა და ყაზახებსაც, რომელნიც ჰარადში იღებდნენ მონაწილეობას, აგრეთვე ამქრებს უსტაბაშებიურთ და საქრამო დანაჯრობის მხრელებთა.

კონსტანტინე ზაქარიას ძე თარხნიშვილი, მის კანდიდატად თ. მიხეილ დავითის ძე ციციშვილი; 3 განყოფილებისათვის— გენდევან ქრისტეფორეს ძე ანანიაშვილი, მის კანდიდატად თ. დ. ლ. აბაშიძე; 4 განყოფილებისათვის— თ. გიორგი ივანეს ძე ციციშვილი, კანდიდატად თ. დავით ლუარსაბის ძე ერისთავი და 5 განყოფილებისათვის— პოდპორუჩიკი ალექსი კვალიაშვილი, კანდიდატად— როტმისტრი ალ. ნათიშვილი.

3. სადილზე გუბერნატორმა სამი სადღეგრძელო წარმოსთქვა: ერთი ხელმწიფე იმპერატორისა, მეორე—დიდის მთავრის მიხეილ ნიკოლოზის ძისა და მესამე—ორსავე წოდების—თავადაზნაურობისა და გლეხ-კაცობის—კეთილ-დღეობისა და წარმატებისათვის. თითოეულ სადღეგრძელეს შემდეგ გლეხ-კაცნი მადიდებენ ორლოვსკისთან და გულ-წრფელს მადლობას სწირავდნენ. ერთმა მათგანმა დასწავლებით შემდეგი მოახსენა გუბერნატორს:

«ქალაქს რომ დაბრუნდებით, მოახსენეთ დიდს მთავარს ჩვენი გულთაღი მადლობა იმ მოწველებისთვის, რომელიც ნამესტნიკმა გამოსთხოვა ჩვენთვის ხელმწიფესა; მადლობა მოახსენეთ, რომ ასე მოწველებით გვექცევა და მუდმივ ჩვენთვისა ზრუნავს. სულ იმას შევსთხოვთ ღმერთსა, რომ ბედნიერად და დღეგრძელობით ამეოფოს მისი უმადლესობა».

ეს სიტყვები ცხადად ამტკიცებს, ვის აწერდა მდებოა ხალხი გლეხთა განთავისუფლების საქმეს ჩვენში.

9. სადილს შემდეგ გუბერნატორი გლეხ-კაცობასთან მივიდა; მივიდა მათთანვე თავადაზნაურობის წინამძღოლიცა, რომელსაც გარს ერტყენ თავადაზნაურნი, და მიჰმართა გლეხ-კაცობას გამოთხოვების სიტყვით. ორლოვსკი ჰმომწობდა მთავრობის წინაშე, რომ წინამძღოლის სიტყვა დიდად მოეწონათ საუფელთათდაც. აი რა სთქვა წინამძღოლმა თავაღმა ერისთავმა:

«გლეხ-კაცნი! მოგილოცავთ, ვითა წინამძღოლი, ჩვენის ხელმწიფის წყალობასა—თავისუფლების მოხიჭებასა. ჩვენის მხრით, ჩვენც, თავადაზნაურნი, ჩვენის ხელმწიფის სურვილისამებრ, თანახმანი გავხდით თქვენის განთავისუფლებისა. მაშ, ჩავიბეჭდეთ გულში დღევანდელი მადალ-მნიშვნელოვანი დღე, როგორც ჩვენის, ისე თქვენის ცხოვრებისა და გავისხენთ ჩვენი ურთიერთობა, ჩვენი ძველებური, სათნობით სავსე ერთმანეთობა. როცა საერთო უბედურება რაში დაგვატყდებოდა, ან შტერი დაგვესხმოდა თავს, ორივე წოდება, თქვენცა და ჩვენც, შეკურთვებოდით ხოლმე და ერთსულობით ვებრძოდით ჩვენის მშობელის ქვეყნისა და საწმუნებობის მტერს. ასე იყო დღემდე: ჩვენ თავადაზნაურნი მამობას გიწვედით, ხოლო თქვენ შვილები იყავით ჩვენი. ახლა, როცა გამოცხადდა

საგლეხო კანონ-დებულებანი, როცა ბატონ-უმობა გადავარდა, ჩვენი ურთიერთობა უნდა შეიცვალდეს — ისე უნდა ვსცხოვრობდეთ ახლად, როგორც ღვიძლი ძმები. დარწმუნებულნი უნდა იყვნეთ, არც ახლად მიგატოვებთ და არ მოგაკლებთ მზრუნველობას. თქვენის მხრით, ხურც თქვენ ამიერიცხავთ გუფს ჩვენსე, ხუ უარ ჰყოფთ თქვენთა მამა-ზაზათაგან ხანადერძეს, დაბადებითვე თან-დაყოფილს ერთგულებას თავდაზნაურობისადმი და ვიყვნეთ უველანი ერთად, თავდაზნაურნიცა და კლეხნიც, ერთგულნი ქვეშევრდომნი ჩვენი უფლად უმწყალების ხელმწიფისა. შეურეგველი ერთგულება კანონიერის მეფეების განსაკუთრებული ხასიათის ქართველს ერისა წოდების განურჩევლად. შევირჩინოთ, მასე, ეგ ხასიათი მამა-ვალშიცა, ძვირფასო ძმანო ჩემნო! ვსვამ მთელის ქართლის თავდაზნაურობის სახელით თქვენს სადღეგრძელს და ვისურვებ თქვენთვის უფელსავე კეთილდღეობას და წარმატებას ახალს ცხოვრებაში. კეთილად მისაგონებელი იყოს თქვენი მამაშვილური ერთგულება ჩვენად მამართ და ჩვენი მამობრივი მზრუნველობა თქვენის ბედნიერებისათვის!

კ. ორლოვსკის მოწმობით, «ამ სიტყვის წარმოთქმით დასრულდა 8 ნოემბრის დღე, სამარადისოდ დასასრობებული საქართველოსთვის». საღამოზე გორი განირადდებულ იქმნა, ხოლო შოკლანი, რომელზედაც შესრულდა იმ დღის სადღესასწაულო ტერკიმონია, მართული იყო ვენზელებერ დასტულის ერისთვის ძვირფასის ხელმწიფე იმპერატორისა და დიდის მთავრის კავკასიის ნამესტნიკის სახელით.

15 ნოემბრისთვის იყო დანიშნული წაკითხვა 13 ოქტომბრის 1864 წლის თარიღით დანიშნულის უმაღლესის ბრძანებისა გლეხთა განთავისუფლების შესახებ ტფილისის გუბერნიის უველა სოფლის კაკლესიაში. ამ აზრით, საქართველოს ეგზარხოსმა ჟეროვანი განკარგულება მოახდინა და შესაფერი დარიგება დაუგზავნა ბლადიმირებს. ხოლო საერო მთავრობამ გაუგზავნა ბლადიმირებსვე საჭირო რიცხვი საგლეხო კანონ-დებულებათა წიგნების ქართულის თარგმანითურთ და დაავალა მზრისა და ოლქის უფროსებს, ჟეროვანი შემწეობა

და დახმარება აღმოეჩინათ ამ წიგნების დაგზავნის საქმეში, რათა უფროდ მრევლს მისვლად ის წიგნები. სამრევლოების რიცხვი მაშინ მთელს გუბერნიასში 381 იყო. თუმცა სოფლის ხალხს უკვე გაკებული ქქონდა თავიანთ მამასახლისებისა და დეპუტატებისაგან, რაც სადღესასწაულო ამბები მომხდარიყო 8 ნომბერს ტფილისსა, გორსა, თელავსა და სიღნაღში, ისე რომ 15 ნომბერს ის ახალს ადარას გაიგონებდა, მაგრამ მაინც ბრძანების წაკითხვამ ბატონ-უმობის გადაჯარღნის შესახებ ეკლესიასში შემოსილ მღვდლების მიერ, როგორც მოსწრებულნი კაცნი ამბობენ, დიდად იმოქმედა ორსავე წოდებაზე და მრავალ-გვარი გრძნობა დაჰბადა მათს გულში: ზოგი აკგულხვილა და აღტაცებაში მოიყვანა, ზოგი დაადონა და გააშტურა.

დღესაც მთელს ქართლშია გავრცელებული ერთი ზღაპრის მზგავსი ამბავი, რომ ვითომ ერთმა აზნაურიშვილის ქვრივმა, მოხუცებულმა მანდილოსანმა, როცა შვილი დადონებული მიუვიდა გორიდან ბატონ-უმობის გადაჯარღნის მეორ-მესამე დღეს, ჰკითხა: რას დადონებულხარ, ხომ არა წაკვიდა-რა ავიო? შვილმა თურმე უპასუხა, რომ მოხელეებმა, მეფის ბრძანებით, გამოუცხადეს გლეხ-კაცობას, თავისუფალნი ხართ და ამას იქით შენ, დღემდე კეთილ-შობილი აზნაურიშვილის ქვრივი, ქალბატონი ადარა ხარო. «როგორ თუ, — შეჭვივროს თურმე მოხუცმა და, რასაკვირველია, არ დაუკერა შვილს, ვერ წარმიდგინა, რომ მაგისტანა რამ ამბავი შესაძლებელი უოფილიყო, — როგორ თუ თავისუფლება?! განა ეგ საფიქრებელია? მერე მამა-მზე სად იყო, როცა მოხელეები მაგისტანა რომეს მოჭყენენ? (მამა-მზე იყო ერთი გავლენიანი თავადიშვილი — ერის-თავთაგანი)».

განსაკუთრებულის ძლიერებით იმოქმედა ხალხზე ნამესტნიკის მიმართვამ. დროულ კაცთა მოწმობით, მიმართვის უკანასკნელმა სიტყვებმა ბევრს ადვრეგინა ცრემლი სიხარულისა და მადლობის იმით მიმართ, ვინც იყვნენ მიზეზნი გლეხ-კაცთა განთავისუფლებისა. მართლაც, უკანასკნელი სიტყვები მიმართვისა, გამსჭვადული სიყვარულით განსათავისუფლებულ გლეხ-კაცობისადმი და თან მის ნდობითაც, ისეთი სიტყვებია, რომ არ შეიძლება დრმად არ შეერეოს

გული გლეს-კაცთა. გლეს-კაცობამ დიდხანს ითმინა სსშინელებს და ეოფლადი უმსგავსობა თვისის უფლებსა-ყრილ მდგომარეობისა და ბატონ-უმურის წეს-წყობილებისა, რომელიც საზოგადოდ სამძიმო და საზიზღარი იყო, მიუსხედვად იმისა, რომ ათასში ერთგან და ათასში ერთხელ ბატონ-უმური ურთიერთობა შესამჩნევად სათნო ხსიათს იჩენდა და მამა-შვილურს, მამობრივის მზრუნველობით გამსჭვალულ დამკვიდრებულებას მიაგანდა. მაგრამ აი თვით სიტყვები მიმართვისაც:

«მკვიდრნო სოფლისანო, ბატონ-უმობისაგან განთავისუფლებულნო!

«იმედი მაქვს დააფასებთ და მიხვდებით, რა დიდს ეურსდევბის ღირსია და რა დიდი მნიშვნელობა აქვს დღევანდელს დღეს, რომელიც ახალს გზას გიხსნით; დააფასებთ იმ უფლებათა ძალას, რომელიც დღეის ამას იქით თქვენ გენიჭებთ და რომელიც გავსდით თქვენის ქონების სრულ და ხელ-შეუვალ ბატონად, თქვენის ოფლისა და ამაგის სრულ ბატონად. იმედი მაქვს, მიხვდებით, ვის მადლობელიც უნდა იყვნეთ ამ წყალობისათვის. ხელმწიფე იმპერატორი მოწადინებულაია მოაწიოს და მოაგვაროს კეთილი ცხოვრება ევკლასათვის ქვეშევრდომისათვის და, რასაკვირველია, არც თქვენ გამოგწირავდათ, არც თქვენ მოგაკლებდათ თავის უმადლეს ზრუნვასა.

«თქვენთვის ახლა გზა ხსნილია და ამ გზაზე სიარულით თამამად შეგიძლიანთ კეთილი ცხოვრება დამკვიდრეთ; ბატონსანის, გულ-დამყარებულის შრომით თქვენ შეგიძლიანთ კიდევ უფრო განავითაროთ იგი კეთილი ცხოვრება, დაზოგვიანო და მწიკვლ-მოუცხოებლის ცხოვრებით განაძლიერებთ თქვენთა და თქვენთა შვილთა ქონებას. ეს არის სურვილი ხელმწიფე იმპერატორისა. ამის იმედი მაქვს მეც თქვენგან.

«ეურთხევა უფლისა იულისცა თქვენ თანა იმ ახალს გზაზე, რომელიც იხსნება თქვენ წინა».

ასეთის ენით შანამაჲ არავინ ელაზარაკებოდა გლეს-კაცობას და ამიტომ გასაკვირველი არ არის, რომ ნამესტნიკის მიმართვის სიტყვები ღრმად ჩასწვდათ გულში გლეს-კაცებს. ხალხი დაზიარება მისის უმადლესობისა, რომ მე თვითონ ვადევნებ თვალ-ყურს ჩემ

მიერ დანიშნულ მემრიგებელ შუა-კაცთა და სავაჭრო საქრებულს მღვწეობასა, სრული თავ-მღები უნდა ყოფილიყო მისი, რომ გლქნთათვის ახლად განსნილი გზა კეთილ-დღეობის შექენისა ჯანგანად არ გადაიქცეოდან*).

ამ სახით, 8 და 15 ნოემბერი 1864 წლის იყო დღეები ბატონ-უმობის საბოლოოდ გადაკარდნის საქართველში და ამიტომ ამ ორს დღეს არა მცირედი საისტორიო მნიშვნელობა აქვს. გარნა, როგორც უფველთვის, ამ შემთხვევაშიც საქმე ისე ვერ დაბოლოვდა, რომ სასატილო რამ ამბავი არა მომხდარიყო-რა. მთავრობის დაავიწყდა დაებარებინა 13 ოქტომბრის 1864 წლის ბრძანების გამცხსადების მოსასმენად მამასხლისნი და დეპუტატები ფშავ-ხევსურეთის 15 სოფლიდან და მთის ოქქის 5 სოფლიდან. ერთის სიტყვით, მთავრობა ჰგონებდა, რომ 15 ნოემბერს, სადამოხე არც ერთი უმაღარსად მოიხვევა მთლად ტფილისის გუბერნიამო; ის კი არა თუ მთელის 20 სოფლის გლქნ-კაცობამ, რომელიც სცხვარობდა საქართველს ერთ და მიკარდნილს კუთხეებში, სრულიად არა იცოდა-რა თავისის ბედისა. მალე კი მიხვდა მთავრობის მოხელეობა თავის შეცდომას და 16 ნოემბერს გაეგზავნა ქადალი თიანეთისა და მთის ოქქის უფროსს, მოუყარეთ თავი ზემოხსენებულ 20 სოფლის წარმომადგენელთ ერთს რომელსაჲ ადგილას და გამოუცხადეთ ბრძანება ბატონ-უმობის გაუქმების შესახებ იმავე წესით, რა წესითაც სხვა სოფლებში გამცხსადდა ეგ ბრძანება.

გვიდა ერთი კვირა ასეთს გამწავებულს მღვწეობაში, კვირა ფრად შესანიშნავი და საკულისსმიერა (8—15 ნოემბრამდე) და მთავარ-სამმართველს უფროსმა მიიხმო ტფილისის უკელა მომრი-

*) მოხუცებულნი გვიამბობენ, რომ უმაღლესის ბრძანების კითხვის დროს სოფლის ეკლესიებში დალაბანდის კვრა იყო. ოფიციალურს ქადალებში არავითარი ამისთანა განკარგულება არ მოიპოვება. და არც ყველგან იქნებოდნენ მუდალაბანდნი. ხოლო რომ კითხვა ბრძანებისა ზოგიერთს სოფლებში უდალაბანდოდ არ მომხდარა, არც ეგ არის საეჭვო. არც ის არის ცნობილი, ვისი აზრი უნდა ყოფილიყო ეს ტუნაური აზრი დალაბანდის კვრისა? უმეკელი მხოლოდ ის არის, რომ ახალს ხანას ორის წოდების ცხოვრებისს ეგ დაფრს კვრაც მართლა თან დაჰყვა ზოგიერთს ეკლესიაში და ისე გაისმა, თითქო ანდერძს უგებენ ძველს საზოგადოებურს წეს-წყობილებას; იმ წეს-წყობილებასაო, რომელსაც უკვე მოქაჲთა თავისი წუთი-სოფელი და სოფლაჲში ამირობდა ჩასვლას.

გებულები შუა-კაცნი და მათი კანდიდატები, რომელნიც უნდა წარდგინდნენ მის უმაღლესობას, კავკასიის ნამესტნიკს. მომრიგებელმა შუა-კაცებმა ინახუდეს მისი უმაღლესობა და ზირად მისგან მოისმინეს შესაბამი დარიგება და მიიღეს ინსტრუქცია იმის შესახებ, თუ როგორ უნდა ემოქმედნათ უკვე გამოცხადებული ცვლილების განსახორციელებლად*). „ზირველ მოწოდებისა“ ანუ ზირველად დანიშნულ მომრიგებელ შუა-კაცთა ხერხიანობას, მათს სქემისადმი გულ-წრთულს სიყვარულსა და ერთგულებას უნდა გუმადლოდეთ, უნდა გუმადლოდეთ აგრედვე იმ მადლს მზრუნველობასა და ყურადღებას, რა მზრუნველობითა და ყურადღებითაც ადევნებდნენ თვალ-ყურს საგლეხო რეფორმის მსუფელობას მისი უმაღლესობა და მისნი დირსეულები თანამოდვასწინი: ბარბნი ა. ზ. ნიკოლაი და კ. ი. ორლოვსკი, რომ ორის წლის განმავლობაში უველგან შედგენილ იქმნა ძირითადნი სიგელები (УСТАВНЫЯ ГРАМОТЫ); და შედგენილ იქმნა ისე, რომ არსად მუედროება და წესიერება იოტის ოდნადაც არ დარღვეულა. მხოლოდ ერთი შემთხვევა მოჭსდა და ისიც გამოძიების შემდეგ ცრუ-ზენტელობა აღმოჩნდა მხოლოდ. და აი ამ შემთხვევამ შეაწუხა რამდენისამე წუთით გული ჩვენის ქვეენის მადლის გამგებლისა. ეგ შემთხვევა იმდენად სახალისოა და თან სასაცილოა, რომ არ შეგვიძლიან არ გუამოთ მეითხველს.

ნამესტნიკის ყურამდე მიადწია ამბავმა, რომ სოფელს ახალ-ქალაქში უწესობა მოჭსდა და რომ ვითამ იარადიც იქმნა ხმარე-

*) მოვიყვანთ აქვე სახელსა და გვარს დანარჩენ მაზრების მომრიგებელ შუა-კაცთა, და აგრედვე საგლეხო საქმეთა საკრებულოს წევრთაცა. თელავის მაზრაში: მომრიგებელი შუა კაცი 1-ლ განყოფილებისა მისის უმაღლესობის ამოლის გენერალ-მაიორი თ. დავით ალექსანდრეს ძე ქავკავაძე, კანდიდატი პაატა მგალობლიშვილი; მე-2 განყოფილებისა—თ. ი. რ. ჯორჯაძე, კანდიდატი თ. მიხეილ ყარაღაშვილი; სიღნაღის მაზრაში: 1-ლ განყოფილებისა თ. სვიმონ თომას ძე ანდრონიკაშვილი (დღესაც მომრიგებელ შუა-კაცად იმყოფება), კანდიდატი თ. დავით ვაჩნაძე; მე-2 განყოფილებისა თ. რევაზ ვაჩნაძე. 8 ნოემბერს შემდგარ საგლეხო საქმეთა საკრებულოში იყვნენ: თავმჯდომარე (თვით გუბერნატორი), წინამძღოლი გუბერნიის თავად-აზნაურობისა დ. ი. ყიფიანი, ოთხი წევრი, არჩეული თავად-აზნაურობის მიერ: გენერალ-მაიორი თ. ვახტანგ ორბელიანი, სტატსკი სოვეტნიკი თ. რამაზ ანდრონიკაშვილი, თ. ვახტანგ გურამიშვილი და თ. ერასტი ჩოლაყაშვილი; ოთხი წევრი საქმეთ-მწარმოებელი: თ. იასე ნოშრევანის ძე ქავკავაძე, იოსებ ქრისტ. ძე მამაცაშვილი, კ. დ. დოლინსკი და კორნ. ალ. ბოროზდინი და ორი უფროსი მოხელე კავკასიის ნამესტნიკის მოვარ-სამმართველოსი, სულ 12 კაცი.

ბულიო. ეს ამბავი გუბერნიის თავად-აზნაურობის წინამძღვრმა ღებშით აცნობა გორის მაზრის უფროსს და თან სთხოვა, პირადად თქვენ გამოიძიეთ ეგ საქმეო. თქვი ერისთავი მივიდა ახალ-ქალაქს და აწავითარი კვალი უწესობებისა იქ არა სჩანდა-რა. სოფელი აწავითარ ბაიბურში არ იყო და ჩუულებრივი, სადგი ეღფერი ედომის მიუხებულს ცხვარებას. უწესობის ამბავი აი სიადან თურმე გაჩნდა; 27 ნოემბერს მგვიდა გორიდან ახალ-ქალაქის საფოსტო სადგურზე. სამხედრო-სამუშაო რაზმის კომანდირი შტაბს-კაპიტანი კრიჟანოვსკი და სადგურის უფროსი ცხენები მოსთხოვა. ცხენები აქეთ-იქით იყო გაგზავნილი და კრიჟანოვსკი ცარიელი დარჩა. მართლდა, უფროსს კიდევ ჰქავდა 5 თავისუფალი ცხენი, მაგრამ ეგ ცხენები უფროსმა შტაბს-კაპიტანს არ დაანება და უჩვენა კიდევ მოწერილობა გუბერნატორისა, 5 ცხენი მუდამ მზადა გუადეს, ამ დღეებში გამოიღოს გენერალ-ადიუტანტი ბარონ ნიკოლაიო (ძმა მთავარ-სამმართველოს უფროსისა). კრიჟანოვსკიმ მოინდომა გაეგო მიზეზი ბარონის მისვლისა ახალ-ქალაქში, მაგრამ სადგურის უფროსმა ეგ მიზეზი არ იცოდა და რას ეტეოდა. მაშინ კრიჟანოვსკიმ შეჰქვირა თურმე: «თქვენ სულ გძინავთ და არა იცით-რა! ბარონი იმიტომ მოდის აქ, რომ მიპატონეთა და გვეხოს შორის უწესობა მომხდარა ახალ-ქალაქში და უწესობის დროს იარაღიც უხმარნიათ». უფროსმა კალუგინმა ეს სიტყვები კრიჟანოვსკისა გადასცა ერევნის ზოლვის აფიცრების შტაბს-კაპიტანს ფედორენკოს და პრაპორჩიკს ბირშერტსა, ხოლო ფედორენკომ უამბო უფველივე ესე ახალ-ქალაქში მოსულს 27 ნოემბერს მისის უმაღლესობის კარის შტაბ-მეისტერს დ. სტ. სოფ. გრატს, რომელმაც მისწერა ნამესტნიკს, რომ ვითომ ახალ-ქალაქში უწესობა მოჭნადო.

ეს გარემოება იყო ერთად-ერთი უსიამოვნო ამბავი 1864 წლის მიწურულებში მომხდარ შესანიშნავ სადღესასწაულო ამბავთა შორის.

დასასრულ, ორიოდ სიტყვაცა. ეს საისტორიო ცნობა, შედგენილი ოფიციალურ ქაღალდების მიხედვით, არ არის, სამწუხაროდ, გასულდგომულზელი ბატონ-უმობის გადავარდნის მომსწრეთა ცხოველის ნამბობითა, რადგან მწერლობაში სრულიად არ მოიხვევება

ამ გვარნი ნაამბობნი დროულ კაცთა ანუ მეშუარები*). ხელთ ამ საისტორიო ცნობის მცირეოდენ შესავსებლად აქვე დავსძენთ, რომ დიდმა მთავარმა მიხეილ ნიკოლოზის ძემ აქრეს საათი უბოძა გორის ბლადრჩინის სოლომონ ხახანაშვილს იმ განსაკუთრებულის შემწეობისათვის, რომელიც მან აღმოუჩინა მთავრობას მაშინ, როცა 8 ნოემბერს გორში გამოცხადებულ იქმნა უმაღლესი ბრძანება გლეხთა განთავისუფლების შესახებ, ხელთ ფოტოგრაფებს: მაკაროვიჩს, ხლამოვსა და კონდრატენკოს ებოძათ ძვირფასის თვლებით მოჭედილი ბეჭდები იმ შრომისათვის, რომელიც მათ გასწიეს მით, რომ აიღეს სურათი სადღესასწაულთა ამბებისა გორსა, თელავსა და სიღნაღში იმ დღეს, რა დღესაც გამოცხადებულ იქმნა ამ ქალაქებში უმაღლესი ბრძანება 1864 წლის 13 ოქტომბრის თარიღისა.

დ. ყაფშიძე



ძოვბე =
" 1898 წ.

XII

*) „Рус. Архив“-ში დაბეჭდილი მოგონებანი მსოფლიოს სახელმწიფო მოღვაწის ბარონ ა. პ. ნიკოლაისა შეეხება საქართველოში განხორციელებულ საგლეხო რეფორმის უმთავრეს საფუძველთა.

947.922

03 955